



01
2357

Bosnia and Herzegovina
Federation of Bosnia and Herzegovina

CANTON SARAJEVO
Ministry of Culture and Sports

Broj: 12/04-04-24273-1/26
Sarajevo, 20.05.2026. godine

KANTON SARAJEVO
SKUPŠTINA KANTONA SARAJEVO
gosp. Elvedin Okerić, predsjedavajući Skupštine
- Ovdje -

Zastupnica u Skupštini Kantona Sarajevo Marijela Hašimbegović je u skladu sa članom 212. Poslovnika Skupštine Kantona Sarajevo („Službene novine Kantona Sarajevo”, br : 41/12 - Drugi novi prečišćeni tekst , 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) na 30. radnoj sjednici Skupštine Kantona Sarajevo, održanoj dana 05.05.2026. godine, u okviru tačke Dnevnog reda „Poslanička/zastupnička pitanja, inicijativa i odgovori“, uputila je zastupničku inicijativu koja glasi:

„Podnosim inicijativu radi hitnog pokretanja postupka rušenja i izgradnje objekta Radionica u ulici Terezije 52. Opština Centar, koji djeluje u okviru Javne ustanove „Narodno pozorište Sarajevo”. Ove radnje je potrebno prihvatiti krajnje ozbiljno s ciljem zaštite lica i imovine, budući da i zatvoren objekt predstavlja potencijalnu opasnost. Riječ je o objektu u samom centru Općine Centar, kojeg godinama uzurpira potporni zid klizišta, nanoseći ogromnu štetu koja u statičkom smislu predstavlja ozbiljnu prijetnju. U objektu se nalaze i instalacije plina, što dodatno naglašava hitnost ovog akutnog problema. U neposrednoj blizini nalaze se osnovna škola i Direkcija cesta, a iznad objekta je smješteno stambeno naselje, kod kojeg ostaje upitno kako je uopšte dobilo dozvolu za izgradnju“.

Prilog 1: Zastupnička inicijativa Marijele Hašimbegović

Odgovor na zastupničku inicijativu Marijele Hašimbegović

U odgovoru na navedenu zastupničku inicijativu navodimo sljedeće:

Naime, Ministarstvo kulture i sporta Kantona Sarajevo je u proteklom periodu izdvajalo sredstva za sanaciju i izgradnju objekta Radionica u ulici Terezije 52. Općina Centar, koji djeluje u okviru Javne ustanove „Narodno pozorište Sarajevo” ali s obzirom da se radi o objektu koji se nalazi na klizištu, Općina Centar nije nikada dala urbanističku saglasnost za rušenje i izgradnju novog objekta, te se nije ni moglo pristupiti izgradnji istog.

Povodom novonastale situacije u vezi sa zatvaranjem radioničkih prostorija Javne ustanove „Narodno pozorište Sarajevo“, Ministarstvo kulture i sporta Kantona Sarajevo smatra da je potrebno bez odlaganja pokrenuti proceduru rješavanja predmetnog pitanja, pri čemu sam proces treba voditi uprava Javne ustanove „Narodno pozorište Sarajevo“, u okviru svojih nadležnosti. uz koordinaciju sa nadležnim institucijama i organima uz punu institucionalnu podršku Ministarstva.

U tom smislu s ciljem razmatranja mogućih rješenja i definisanja daljih koraka, a na inicijativu ministra kulture i sporta Kantona Sarajevo održan je sastanak sa predstavnicima Javne ustanove „Narodno pozorište Sarajevo“, Zavoda za izgradnju Kantona Sarajevo, Općine Centar Sarajevo, sudskog vještaka i Ministarstva.

Na navedenom sastanku u smislu dosadašnjih aktivnosti konstatovano je da je posljednji sastanak na ovu temu održan krajem 2022. godine, kada je dogovoreno da Općina Centar Sarajevo preuzme obavezu rušenja i sanacije potpornog zida, te izgradnje novog objekta prema idejnom projektu koji je radio arhitekta Adnan Pašić, a koja se nije realizovala. Prema mišljenju sudskog vještaka mogućnost sanacije postojećeg objekta je tek krajnja opcija, dok je sa stručnog aspekta najadekvatnije rješenje rušenje postojećeg objekta i izgradnja novog. Prema mišljenju Zavoda za izgradnju Kantona Sarajevo, prije poduzimanja bilo kojih aktivnosti neophodno je prikupiti kompletnu relevantnu dokumentaciju: nalaz sudskog vještaka, nalaz inspekcije (da objekat nije stabilan), stručno mišljenje Instituta za materijale i konstrukcije Građevinskog fakulteta Univerziteta u Sarajevu o stanju objekta i mogućnostima sanacije, projektni zadatak za sanaciju potpornog zida, finansijsku projekciju, obezbjeđenje sredstava za prvu fazu sanacije potpornog zida i rušenje, imovinsko - pravne odnose/ZK izvadak, zahtjevi prema Općini (za rušenje objekta, za sanaciju potpornog zida). Općina Centar će pružiti punu podršku u rješavanju ovog pitanja uz poštivanje zakonskih procedura.

Uvažavajući hitnost situacije, kao i razloge koji su doveli do zatvaranja postojećeg prostora, Ministarstvo kulture i sporta Kantona Sarajevo daje punu podršku i saglasnost da Javna ustanova „Narodno pozorište Sarajevo“ bez odlaganja pristupi realizaciji predloženih aktivnosti, s ciljem osiguranja kontinuiteta rada i sigurnih uslova za zaposlenike.

Istovremeno, napominjemo da su Budžetom Kantona Sarajevo već obezbijedena značajna sredstva za rad i redovno funkcionisanje ustanova kulture, a na inicijativu ministra kulture i sporta Kantona Sarajevo omogućeno je da vlastiti prihodi budu vraćeni na raspolaganje ustanovama kulture, uključujući i Javnu ustanovu „Narodno pozorište Sarajevo“, s ciljem jačanja njihove finansijske samostalnosti i unapređenja rada. Shodno navedenom, predmetne aktivnosti mogu se finansirati iz sredstava kojima Javna ustanova „Narodno pozorište Sarajevo“ već raspolaže po osnovu vlastitih prihoda.

Prema posljednjoj informaciji, a u cilju prevazilaženja nastale situacije Javna ustanova „Narodno pozorište Sarajevo“ obezbijedila je 150.000 KM kroz preraspodjelu novčanih sredstava u okviru budžeta za 2026. godinu za iznajmljivanje novog prostora u Hrasnici i nabavku mašina za radionicu.



Nadalje, ističemo da Ministarstvo kulture i sporta Kantona Sarajevo podržava predmetnu inicijativu te ostaje na raspolaganju za svaku podršku u okviru svojih nadležnosti, uz očekivanje da će Javna ustanova „Narodno pozorište Sarajevo“ nastaviti poduzimati sve potrebne aktivnosti radi efikasnog i pravovremenog prevazilaženja postojećeg stanja.



MINISTAR

[Redacted] ra
[Redacted] ijative
[Redacted] ljenja za pravne poslove

Dostaviti:

1. Naslov,
2. Sekretar Vlade Kantona,
3. a/a.

